

tanasun maku

ikita cau paru'una poisua takacicini tamna tanasun, macangcangaru kavangvang tia tumatuturu, vanai sii sua tanasun ia, ngaca'u ngisaa mita. 'una 'esi 'inia kincaua mita, tangria mita. 'una 'inia kacangcangara nipaicaa. tanasun mia, makacusa cu nimaica tatia soraru, nguai sua miaa Minkuo(民國) 48 cenana ka-8 vuanu 7 taniara, “87 punarun canumu”, mataa Minkuo(民國) 98 cenana ka-8 vuanu 8 taniara, “Moraku soraru” kaNamasia cau noo poisua niaca'ivia isi, makai 'esi pa rakicacu cupungu. urucin tatia soraru, 'una cau mamacai, 'una tanasa nima'acunu. kacaua cau aratukunu cu tanasun. 'una cau aravari na Sanrin Ta'ai yenci(衫林大愛園區), 'una cau takacicini tikirimi tanasa na namanamaru. kavangvang nipaicaa isi maca'ivi cu, tia kita vanai nuari macuvungu kipatusu.

sua tanasun mia ia, 'esi na Kaosiung tamna Namasia. 'una urucin cacanu tuni musikaru 'inia. tuni maica Hanciriu →Kasanpu →Namasia. tuni kangvang maica Cia'i →Cacaya musikaru Namasia. 'esi cimuru sua Namasia, 'itumuru nimakua cau macu'u karu, to'umangu. paira ku tumatimana cau tamna kari makasi, sua Namasia tamna civu'u ia, mastaan kani sa'o'o misee. 'itumuru 'esi 'inia nungnung mataa cacan. noo matarava

tarasangara taniara, manmaan kim mukusa cakuran makananguru, pinarupu. na nungnung mia, 'una vurunga, vutukuru, 'arasakai, 'apasu. kacaua kincaua maku 'esi matipa iakuru nungnung. sua ka'unai cau tamna cupungu ia, tia patimanungun cakuran nungnung iakuru. manasi ka'anu ara'akia na canumu marukurapu. vanai isi, cecenana Kanakanavu matimanungu kaisisi Pasikarai. sua nguain tamna 'imi ia, tia musu'uvu na cakuran nungnung, 'una canumu, 'una marukurapu 'apacuvuru kasian cau. tia paranau makasia maningcau namuriungu.

'unai Namasia isi, Kanakanavu sua mata'uru katanasun nesi. masini, 'una cu Hla'alua, Bunun, Paiwan, Atayal, Amis, Pakisia, 'una pa kanaira Ngaingai. ka'anu matua kari mia, nakai pakar'u kim arakukunu. 'una ku cupungu tia muranu mamarang iakxrx tanasun, mapui'i makai miana maningcau, manasi macangcangaru kavangvang kasian cau.

我的家鄉

我的家鄉在那瑪夏，有兩條路可進入。可從旗山、甲仙進入那瑪夏。也可從嘉義、茶山村進入。那瑪夏有很多溪流和瀑布，溪裡有鱸鰻、魚、蝦、螃蟹等。親友有很多人參加護溪的工作。族人想法，要把溪流維護好，讓水中生物生生不息。為此每年都很慎重的舉辦河祭。那瑪夏是卡那卡那富族人最先住進來的，現在還有其他的族別，我們的語言都不相同，但都很友愛。我有心意要協助長輩們保護家鄉，恢復往日的美景，讓住這裡的人們都能快樂的生活。